

VENDIM
Nr. 274, datë 29.3.2017

PËR HEQJEN NGA FONDI PYJOR DHE KULLOSOR PUBLIK DHE PAKËSIMIN NË VOLUM TË SIPËRFAQES PREJ 21.56 HA, NË OBJEKTIN “HOTOLISHT”, BASHKIA LIBRAZH, QË DO TË PËRDORET NGA SHOQËRIA “ROSI CONSTRUCTION” SHPK PËR SHFRYTËZIMIN E MINERALIT TË GURIT DEKORATIV

Në mbështetje të nenit 100 të Kushtetutës dhe të pikës 1, të nenit 17, të ligjit nr. 9385, datë 4.5.2005, “Për pyjet dhe shërbimin pyjor”, të ndryshuar, me propozimin e ministrit të Mjedisit dhe të ministrit të Energjisë dhe Industrisë, Këshilli i Ministrave

VENDOSI:

1. Sipërfaqja pyjore publike prej 21.56 ha, në objektin “Hotolisht”, që do të përdoret nga shoqëria “Rosi Construction” sh.p.k. për shfrytëzimin e mineralit të gurit dekorativ, të hiqet nga fondi pyjor dhe kullor publik i Bashkisë Librazhd, të pakësohet në volum dhe çregjistrohet nga Regjistri i Kadastrës së Pyjeve dhe Kullotave. Lidhja 1, me të dhënat për sipërfaqet pyjore që pakësohen në volum dhe hiqen nga fondi pyjor e kullor publik, dhe harta topografike, me koordinatat e poligonit të sipërfaqes objekt minerar, i bashkëlidhen këtij vendimi dhe janë pjesë përbërëse e tij.

2. Vlerat përkatëse të pakësimit në volum të lëndës drusore, produkteve të tjera pyjore e kullorore dhe të investimeve të kryera në vite, objekt i këtij vendimi, paguhen nga shoqëria “Rosi Construction” sh.p.k., në bazë të lidhjes 4, të vendimit nr. 391, datë 21.6.2006, të Këshillit të Ministrave, “Për përcaktimin e tarifave në sektorin e pyjeve dhe kullotave”, të ndryshuar, dhe derdhen në llogarinë bankare të Bashkisë Librazhd.

3. Shoqëria “Rosi Construction” sh.p.k., brenda pesë viteve nga data e nënshkrimit të marrëveshjes me Bashkinë Librazhd, të pyllëzojë me fondet e veta, me drurë pyjorë, një sipërfaqe prej 14 ha.

4. Bashkia Librazhd dhe shoqëria “Rosi Construction” sh.p.k. nënshkruajnë marrëveshjen e bashkëpunimit jo më vonë se 60 ditë nga hyrja në fuqi e këtij vendimi. Një kopje e marrëveshjes, së bashku me projektet e miratuara, dërgohet për monitorim në Ministrinë e Mjedisit, jo më vonë se 10 ditë nga data e nënshkrimit të saj.

5. Sipërfaqet pyjore sipas lidhjes 1, të këtij vendimi, mbeten pronë publike e shtetit dhe regjistrohen në përgjegjësi administrimi të Ministrisë së Energjisë dhe Industrisë.

6. Zyra Vendore e Regjistrimit të Pasurive të Paluajtshme bën çregjistrimin e sipërfaqes pyjore të identifikuar sipas lidhjes 1, të këtij vendimi, nga kategoria “Tokë e zënë pyjore” dhe e regjistron në kategorinë “Tokë e zënë, objekt i aktivitetit minerar të shfrytëzimit të gurit dekorativ”.

7. Me përmbushjen e detyrimeve të përcaktuara në planin e rehabilitimit, sipas lejes mjedisore, nga shoqëria “Rosi Construction” sh.p.k., sipërfaqja e rehabilituar të regjistrohet në fondin pyjor dhe kullor publik të Bashkisë Librazhd.

8. Ngarkohen Ministria e Mjedisit, Ministria e Energjisë dhe Industrisë, Zyra Vendore e Regjistrimit të Pasurive të Paluajtshme, Bashkia Librazhd dhe Shoqëria “Rosi Construction” sh.p.k. për zbatimin e këtij vendimi.

Ky vendim hyn në fuqi pas botimit në Fletoren Zyrtare.

ZËVENDËSKRYEMINISTRI
Niko Peleshi

Bashkia Librazhd

LISTA E NGASTRAVE DHE N/NGASTRAVE TË FONDIT PYOR DHE KULLOSOR PUBLIK

QË HIQEN PËR SHFRYTËZIMIN E GURIT DEKORATIV NGA SUBJEKTI "ROSI CONSTRUCTION" shpk

Nr.	ID pones	Ekonomia pyjore/Kullosore	Ng/n/gast.	Siperfaqja qe hiqet nga fondi pyjor/kullosor ha
<i>1</i>	<i>2</i>	<i>3</i>	<i>4</i>	<i>5</i>
1	EL32 00 115	Librazhd	115a	7.29
2	EL32 00 116	Librazhd	116a	1.78
3	EL65 00 003	Vehcan	3a	4.52
4	EL65 00 003	Vehcan	3b	3.81
5	EL65 00 004	Vehcan	4b	4.16
GJITHSEJ				21.56

Planimetria e sipërfaqes së kërkuar nga Firma "Rosi Construction" me administrator Robert Sinani dhe e miratuar në lejen e shfrytëzimit nr.1204, datë 02.07.2008, Objekti Hotolisht, Njësia Administrative Hotolisht dhe fshati Dragostunje, Njësia Administrative Qëndër, Bashkia Librazhd, si dhe planimetria e parcelave pyjore pasqyruar në hartën topografike të shkallës 1:25 000 e gjeoreferuar, dhe printuar në shkallën 1:10 000.



